

11. maj 2014

UPA 2014/106
Nikolaj Jeremiassen

Sinerissap qanittuani qaleralinniarnermi Upernaviup, Uummannap Qeqertarsuullu aqutsiveqarfiini aqutsiveqarfiit titartagaanerisa siunnersuutip tunngavilersuutaani allattorsimanerattuuut kiisalu ilanngussani

(Inatsisartunut ilaasortaq Karl-Kristian Kruse, Siumut)

Aalisarfiit nutaat nassaarineqarnissaat misileraaffigineqarnissaallu Siumup sulissutiginarpaa, taamaattumik Inatsisartunut aalajangiiffigisassatut siunnersuut tamakkiisumik taperseratsigu Siumumiik oqaatigissavarput.

Ukiuni arlalinngortuni ajornartorsiut uteqattaartuartooq qaangerniarlugu siunnersuuteqartoq aalajangiiffigisassatut siunnersuummik Karl-Kristian Kruse saqqummiussaqarpoq, taassumallu kingunerissavaa aalisarnerup ataavarnerusumik ingerlalernissaa, tassami aqutsiviit aalisarfiillu avataanni atorneqanngitsunik annertoorujussuarnik aalisagaqarfeqartoq ilisimaarivarput.

Allannguinerup malitsigisassai annertoorujussuupput, nunatsinni inuutissarsiutit maannamut pingarnersariuagaat ataavarnerusumik ingerlanneqarsinnaanginnera nassuerutigineqartariaqarpoq, tamannalu peqatigalugu peqatigiilluta Inatsisartuni ajornartorsiutit ilisimaarisavut iluarsiniarlugit suleqatigiinneq aallartittariaqarparput, tamassumalu kingunerissavaa ilaqtariit peqqissut piumassuseqarluartullu immatta tunniussinnaasaanik silarsuup pissaanerisa killilersuinera annertusigaluttuinnartoq kisiat killiliisoralugu aalisarnerminnik ingerlatsinissaat.

Minnerungitsumillu malunniutaasussaavoq nunami suliffeqarnikkut sukkanerusumik ineriertotsitsineq, minnerungitsumillu aalisartut sinerissap qanittuani siuarsaanissaminut akissaqarnerulissaput, ukiunilu kingullerni tamanna pisariaqarluinnalersimasoq ilisimalluinparput, tassami inuusuttorpassuit aalisarnissaminut piukkunnarseruttorput suliffissaaleqisunut ilanngussuutiinnarneqarnerat ingerlatiinnassallugu inuiaqatitigiit akissaqanngilagut.

Taamatut naatsumik oqaaseqarluta Naalakkersuisut peqquneqarnissaannik siunnersuuteqartoq qutsavigaarpot.

Siumumiillu tamakkiisumik taperserlutigu Aalisarnermut Piniarnermut Nunalerinermullu Ataatsimiitaliamut ingerlatippalput.